



করোনা ভাইরাসে আক্রান্ত রোগীদের চিকিৎসা সহায়ক সামগ্রী ও ব্যক্তিগত সুরক্ষা সামগ্রী (পিপিই) বাংলাদেশ বিমান বাহিনী কর্তৃক ঢাকার কুর্মিটোলা জেনারেল হাসপাতালের কর্তৃপক্ষের নিকট হস্তান্তর করা হয়। ছবিঃ আইএসপিআর

## করোনাভাইরাস রোধে বাংলাদেশ বিমান বাহিনীর বিভিন্ন কার্যক্রম অব্যাহত

ঢাকা, ০৩ মেঃ- করোনাভাইরাস প্রতিরোধকল্পে মাননীয় প্রধানমন্ত্রীর দিক নির্দেশনায় বাংলাদেশ সরকার কর্তৃক প্রকাশিত নীতিমালা অনুসরণ করে বাংলাদেশ বিমান বাহিনী বিভিন্ন কার্যক্রম অব্যাহত রেখেছে। এরই ধারাবাহিকতায়, বিমান বাহিনী ঘাঁটি বঙ্গবন্ধু এর পক্ষ হতে বৃহস্পতিবার (৩০-০৪-২০২০) ঢাকার কুর্মিটোলা জেনারেল হাসপাতালের কর্তৃপক্ষের নিকট ব্যক্তিগত সুরক্ষা সামগ্রী (পিপিই) সহ চিকিৎসা সহায়ক সামগ্রী হস্তান্তর করা হয়।

এছাড়াও, করোনাভাইরাসের কারণে উদ্ভূত এই পরিস্থিতি মোকাবেলায় বাংলাদেশ বিমান বাহিনী ঘাঁটি বঙ্গবন্ধু ও এর পার্শ্ববর্তী এলাকার সমাজের নিম্নআয়ের মানুষের মাঝে মানবিক সহায়তা হিসেবে উপযুক্ত প্যাকেটের মাধ্যমে নিত্যপ্রয়োজনীয় দ্রব্যাদি বিতরণ করা হয়। জাতীয় যেকোন ধরনের দুর্ঘটনা মোকাবেলায় বাংলাদেশ বিমান বাহিনী সর্বদা সহায়তা প্রদান করে আসছে এবং করোনাভাইরাস প্রতিরোধকল্পে বাংলাদেশ সরকার কর্তৃক প্রকাশিত নীতিমালা অনুসরণ করে বাংলাদেশ বিমান বাহিনী বিভিন্ন কার্যক্রম পেশাদারিত্বের সাথে পরিচালনা করছে।